

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 166 del 23/01/2023

Traduzione in mòcheno

Bètternochrictn van Euregio, s regiar va TINIA iaz geat en de Autonome Provinz va Trea't

U'ganommen der oa'neplan as paschraip der projekt "TINIA - Bètternochrictn ver en Euregio". De mosnemm ist kemmen u'ganommen va de Provinzaljunta derno va de vourtschbinn van president Maurizio Fugatti, as nimmp toal en Europeischegrupp va Lòntschòftzòmòrbet (GECT) van Euregio Tirol-Südtirol-Trentin.

Der projekt TINIA, augòngen en 2019 pet a zòmòrbet zbischn de Autonome Provinzn va Trea't ont Poazn ont s osterraiches zentralinstitut ver en bètternochrictn ont ver en eartriarnse, billt versichern af na oa'zege websait - meteo.report - a dinst ver en bètternochrictn ver òlla de lender van Euregio.

"S sai' u'ganommen kemmen de òrbetn, de baitergemvirm ont de zeilnvm van gèlt gem en de Provinz, ont de zòmòrbet van toalnemmer van Euregio en projekt. De Autonome Provinz va Trea't nimmp au s koordiniarn va de kontrollkommer, ont s Dinst van voursechen de problem ont va de Oa'zegenozentral bart sai' de struktur as enviretrong bart de òrbetn as pet en oa'negea' u'ganommen kemmen sai'", hòt tsòk der president Fugatti. "Bichte barn sai' de zòmòrbetn pet en projekt ALBINIA aa, as ist s pericht van schneala'n van Euregio: de zòmòrbet zbischn de zboa team van zboa projektn bart enviregea' en de jarder as kemmen, asou as moglech sai' barn a pessers regiar van mittln ont an gem a pessers qualittdinst", hòt nou tsòk der president.

Der paitrog, ver de zait 2019-2022, ist nogòngen en program INTERREG V-A Balschlònt-Osterraich 2014-2020. Ver za meing en enviretrong, TINIA ist drinngaleik kemmen en òrbetprogramm van Euregio ver de jarder as kemmen ont, pet an ausrot van GECT van vourder leistagest, de Autonome Provinz va Trea't ist delegiart kemmen ver za trong en envire, turch en regiar, en pahòltn ont en technischen ont bissschòftlechen verpessern va de sait meteo.report. Pet en unterschraim van oa'negea' de Provinz kimm de vourstea'neren van enviretrong van TINIA ver de vinf jarder 2023-2027 ont de kostn sai' galuckt pet en gèlt gem van Euregio, ver a zeil va 100 tausnt euro en jor.

Ibersetz gamòcht van Sprochtirl va de Tolgamoaschòft Hoa Valzegu' ont Bersntol

(cdt)